

تر اوزومدن آخماقدا ایدی. دامجی دامجی سوزولوب فرشه تۆکولوردو. دامجی لارین سوزولوشو، ایز بوراخیب قاشیندیرا قاشیندیرا آخماسی بیر چئشیب خوشا گلیملی اؤزآزلیک حسی وئیردی آداما. گۆزله ییب، گۆزومو یئره دیکیب تر دامجی سینین آخیب انگیمه قدر سوزولوب، اوردان گوپ فرشین اوستونه تۆکولمه سیننی گۆروردوم. اوتاغیم قورو سونا کیمی ایستی ایدی.

اوتوروب ائله بو یازدیغیم اویکونو یازیردیم. کاغادی بیرآز بویانلیق قویموشام تر داملاسی ایسلادماسین. اوچ گوندور یازماغا گیریر آنجاق بیر شئی یازا بیلیردیم. نه اولسون تر تۆکمه ییمی سئویرم. بئلم جومجولوق سودور. ائله تر تۆکمه ییمدن یازدیم بلکه یازا یازا بیر شئی لر ده سوزولدو گیردی بئینیمه اویکو چیخارتماغا.

تر داملا لاری یاریش بیر دورومدا انگیمه دوغرو سوزولوردو. اوزون آغ دفتیریمی قیراغدا گۆردوم، اون اوچ اون دؤرد ایلدن بری اوردایا یازدیغیم گونده لیک یازیلاریم. گۆتوروب وراقلا دیم. دوداغیم قاقمادی دئسم یالان اولار آنجاق، خئیک شئیلر واردی ایچینده...

بئله باشلامیشام دفتیری:

امروز هشتم تیر است، از امرزو شروع به نوشتن می کنم، نمی خواهم خاطره بنویسم...

دؤرد بئش دامجی تر انگیمده فرشه تۆکولمه آیندا ایدی (اوشاقلیق عنعنه سی اوزه ریندن اوزانیب یازیردیم). ایکی جومله دفتردن بورا کئچیرمه ییمدن سونرا بیرآز گولونج گلدی بو ایش. نه سه ایندی - جه ایکی دامجی بیردن آتیلدی لار فرشه و بو اوندان دا گولونج. فرشه باخدیم، انگیم ترپه نیب اوچ دؤرد دامجی دا فرشه تۆکولدولر. بونو دا دئیم: ساغ گۆزومه یاش گیرمه کده ایدی، قاباغینی آلدیم.

جومله لرین قالانی:

ولی بعضی وقتها دوست دارم چیزی بنویسم، پس می نویسم.

و سونرا باشلامیشدیم. ۸۰ ایل لری، اون بئش اون آلتی یاشیم واریمیش. یاریم ادبی بیر باشلانیش لا یولداشلاریمین بیر، جاواد آدیندا، بیر کیتاب اوخویوب و او کیتاب دا نئجه ایسته دیون آرزیلارا یئتیشماق اوچون اونلاری بیرر بیر یازماغیندان یازمیشدیم. سونرا گؤیلوم ایسته یین آرزیلاریمین لیستی:

۱- قبولی در کنکور

۲- مسلط شدن بر زبان انگلیسی

۳- برنامه نویسی کامپیوتر

۴- هنر کار با نانچکو و زنجیر و شو

۵- نی زدن

۶- یادگیری خط نستعلیق در حد توان

۷- شاگرد اول کلاس

۸- پریدن در حد دو متر

کره ای بیر فیلم گؤرموشدوم. قارداشیم لا آیاق وزنه سی آلدیق پاساژدان. اوغلان نئچه ایل آیاق وزنه - سی ایله اؤیرتمنی اکدی بی آغاجین اوستوندن آتیلا سونرالار بیر دامین اوستوندن آتیلیدی. تر دامجی لاریندان بیر کاغذی ایسلاتدی. گئری چکیلدیم. اوغلان آیاق وزنه سینی آچدی. دام بویو آتیلیر، آخ دئمیردی. اوتوز ایکه قدر لیست اوزانیر گئدیدی. و اراق لادیم. ایره لی ده و اراق لاردان یاش اولوب ایکی اوزون یازیلاری بیر اوزده گؤروکوردو. بؤیوک بیر تر داملاسی و اراغی بوروموشدو ائله بیل. تر سوزولوردو. میله نی قارداشیم گؤتوردو. قیرمیزی رنگ سوزولدو باشدان.

آلتینا تلیس سرمیشدیک. زئره می سرین ایدی. قاراسی الیمیزه یاخیلماسین دئییه قیرمیزی ضدزنگ ووردوق میله یه. کرپیچ لری گچله ایکی طرفینه یاپیشدیردیک و اولدو هالتئر.

یادگاری از طرف آرش فخری در مورخه ۸۸/۹/۳۰

به دوست عزیزم شریف مردی




ساعت: ۱۹:۴۵

شب آخر پادگان چالوس

عکسی آرش وئرمیشدی. بویون باغیسی A حرفی ایله گۆزه ده بیردی. دال چانتاسینی الینده توتوب آیری آیری باخیردی. دالیندا اوزون گوده آغاج لار واردی، چمن لرین اوستونده...

آلتیندا دا من امضا ووروب یازمیشدیم:



نهمین ماه از خدمت در پلیس پیشگیری

استان قم

استوار روحی «بینم عکس کیه کلک!» گولوردو. گۆزلری نارین، شیرین باخیشی وارایدی بو استوارین. دفتری گزینیردیم گۆردوم آرشین عکسینی. گۆتوروب دالیندا امضا ووروب یازیردیم عکسی مندن ایسته‌دی. باخدیم گۆزلرینه. آینا کیمی گۆزلری واردی. باخدی. شاققا چکیب گولدو.

- ندی؟

- نه... همینجوری... خندیدم دیگه بابا

- نه یه گولوسن آخی؟!

- جمع کن. جمع کن. اینجا جای خاطره و عکس و اینجور کارای دخترونه نیست. کارتو بکن.

الیمی پیسه‌ریمه چکدیم. توکلریم سو ایدی. دالی قایتارماق، الیمین ایچی ایله هامارلاماق خوش گلیردی. تر بوتون گۆوده‌می یاش ائله‌میش. دوروب پنجره‌دن دیشاری باخدیم. قانشار ائوین ده پنجره‌سی آچیق ایدی. او پنجره بیر مرتبه منیم اوتاغیمدان آشاغی‌دا. ائوین ایچینی گۆروردوم. اونلار منی گۆرمور، باخسایدیلار دا رئفلئکس شیشه‌نین دالداسیندا گیزله‌نیردیم. گنج ائولی بیرسی دیلر. هردن توتوشوب بیریرینه سورتوله‌نده گۆرموشدوم اونلاری. آنجاق نه قدر گۆز یاتیرتدیم بیر کره دوزه عمللی ایشلرینی گۆره بیلمه‌دیم.


یازمیشام:

۱۳۹۳/۱/۱۹ یوخو گۆردوم، دوردوم یادیم‌ایدی، دئدیم یازارام؛ یاتدیم؛ گنج‌ه‌یاریسی ایدی هله، دئدیم یاتیم سورا یازارام. اینیدی یادیم گلمیر...

هاچاندان باشلامیشام تورکجه یازماغا؟! وراقلا دیم. دالی قایتیدیم. گونلر اؤتوردو وراقلاردا. خطلر قاریشیردی هردن، قارا، ماوی... جوربه‌جور چئشیتلی اویون‌بازلوق‌لارلا دولدورموشام بو دفتری. عجیبه بیر نقاشی چکمیشم... اوستونده «حوصله یوخوم، اصلن ۸۸/۱۰/۱۹» یازیسی گۆزه دَییر:

موضوع:

تاریخ:



عصمت رضوی
۱۹/۱۰/۴۶

ایلام دا، مهران دا اولدوغوم زامان لارمیش. منیژه گؤتورموردو گوشینی، آرش بئله یوخ ایدی بوردا.

لاتین حرفلری ایله ده یازیلاریم وار...

هه تاپدیم سونوندا، تورکجه یازماغی باشلایان زامان لاریم؛ ایکی اوچ و اراق او یان بویان ائله ییب بیر تاریخ آرادیم، تورکجه یازماغیم ۸۵ سین یایینا قایدیر. «تورکین دلی تک سوغلی استکلی دل اولماز...» بئیتی ایله باشلامیشام... نه قدر غلط قولوط بیر یازی ایلا دا!

«یادیمداکی اله بو دفترده آزوم یازمیشدیم کاش بیرگون باشاریدیم تورکی یازام، من ایستیردیم که لاتین حروفینن یازام اونا گوره اوزگه دلینن یازیردیم، آما باشا دوشدم که انا دیلیم، ئوز شیرین دوغما دیار (بیر سؤزجو یو بوردا اوخویا بیلیمیرم) سنن یازام»

ایره لی ده آددا بوددا فارسجا تورکجه، قوشا، یازیب دفتری دولدورموشام آنجاق. تر امان وئرمیر یوخسا بیلیم بورا قدر اوخویان لار بیر سئوگی اولایی دا گؤزله ییللر مندن. سوزولن تر دامجی لاری سوزدویوم گؤز یاشلاریمی خاطر لادیر دئییم می؟! عشق یولوندا گئرچک دونیادا (اؤیکودن دیشاری) نه ظولوم لر کی چکمه دیم، نه آجی لار کی یاشامادیم. عینی بو سوزولدویو تر کیمی بدنیمدن، شور شور سو آخدی گؤز لریمدن؛ سئوگی، سئویب سئویلمه یولوندا.

ایلک اؤنجه قونشو قیزی فرانک ایدی ایتی باخیشلاری قاپی پرده سی نی اؤزونه بورونوب دیشاری باخاردی، سونراسی دبیرستان اوخورکن نیمکت بیر اوتوردوغوم مهدی ایدی قانیمی قاینادیب سئودییم بیرسی. داها سونراسی قیزلارلا اوغلان لار می گلیب گئتدیلمی گئتمه دیلر بئینیمدن، هامیسی بلکه هله ده دوم دوز قاباغیمدا رژه گئتمه کده اولور بعضن. بیلیم یوردونون ایکنجی ایلینده ایکی اسکی سنه یه وورولدوم بئله. گئجه گوندوز ایشیم اونلارین عکسینه باخماق اولموشدو. تختیمین دیوارینا یاپیشدیرمیشدیم. اوتاق داش لاریم دا یورولموشدولار حئیرت حئیرت اونلارا دالماغیمدان. گؤز یاشی بئله سوزوردوم بو ایکی اسکی سنه یه.

اليم ماسانين اوستونده سوروندو. بارماقلاری دويدو. گۆز اؤنونده کی چای فینجانیندایدی. منه باخدی. بوتون الی الیمین ایچینده ایدی. گولومسوندو... هه! بو سئوگی منیژه نین خاطیره سی. اوچ اؤنجه کی یازدیغیم اؤیکولریمده ائله منیژه نین سئوگیسینی خاطرلایا بیر شئی لر یازدیم. اوردا یازمیشام: «بیر شارکی ائشیدیب او ایل لرین یادینا دوشموش، سئوگیلیسی نی خاطرلاییر، گۆز لرینده اونون شیرینلیسینی گؤروردو، آجی یا قاتیشمیش بیر شیرینلیک، دوز بیله بیلمه یین، دادینی ایتیرن بیر دادا بنزه ییر، سئوگیلیسینی اونوتموشدو دا اونودا بیلمه میشدی سئوگیسینی. دوداقلاریندان قالخان سس، سون گۆردویو، پارکین قیراغیندان آخیب گئدن بیر شئی لری سس له ییردی بلکه، و حسرت له دولو بیر دوغو گزیشیردی باخیشیندا...» کافی شاپ دا الیندن توتوب گۆز لرینین ایچینه باخدیم. ایکی قادین او بیر ماسادا اوتوروب چیپس پنیر کیمی بیر شئی لر یئیر. گۆز لرینه باخدیم. سئویرم... دلی کیمی سئویرم... قادین باخدی. منیژه دوداغینی بوزوب اونون آغزینی آیدی. گۆز لری گۆزل، چوخ گۆزل. منه باخدی.

تر دلی ائله دی منی. داها یازانمارام. بیر اؤیکو دئییه باشلادیم دا یئنه سوره کلی اونودا بیلمه دیم سئوگیمن دن سؤز گئتدی. اوخونولوب بیه نیلسه قان تر ایچینده بیر اؤیکو اولار لاپ.

شریف مردی - قوم ۱۳۹۳ - تیر